



CONCELLO DA BAÑA

Praza do Concello, s/n
15863 A Baña (A Coruña)
Tels.: 981 886 501 / 981 886 516
Fax: 981 886 616
correo@concellodabana.gal
www.concellodabana.gal

ANUNCIO EN PROCEDEMENTO DE CONSULTA PÚBLICA PREVIA Á APROBACIÓN DE ORDENANZA MUNICIPAL.

Expte. TEDEC: 2026/G013/000002 (Ordenanza).

Mediante Resolución de Alcaldía de data 10/03/2026, dispúxose a necesidade dunha consulta pública, a través do portal web do Concello da Baña (<https://www.concellodabana.gal>) na que se recollerá a opinión dos suxeitos e das organizacións máis representativas potencialmente afectados pola futura norma.

Outorgarase un prazo de achegas por parte da cidadanía de 10 días hábiles dende a publicación do anexo na web municipal, dito prazo de achegas finalizará o vindeiro 4 de agosto de 2026 ás 23:59 h. As achegas deberán realizarse a través da sede electrónica empregando o formulario de achega de documentación complementaria, indicando no apartado “código de expediente” o seguinte: 2026/G013/000002.

Poderase acceder a dito trámite de participación cidadá a través do seguinte enlace: https://sede.concellodabana.gal/sxc/gl/procedimientosytramites/tramites/AportacionDocumentacion_N

A continuación, recóllese o anexo obxecto da consulta.



CONCELLO DA BAÑA

Praza do Concello, s/n
15863 A Baña (A Coruña)
Tels.: 981 886 501 / 981 886 516
Fax: 981 886 616
correo@concellodabana.gal
www.concellodabana.gal

ANEXO – ASPECTOS OBXECTO DA CONSULTA PÚBLICA:

Vista a necesidade de elaboración dun anteproxecto de Ordenanza Reguladora reguladora do impulso da lingua galega no Concello da Baña, e de conformidade con artigo 133 da Lei 39/2015 do 1 de outubro, do Procedemento Administrativo Común das Administracións Públicas (LPACAP), co obxecto de mellorar a participación dos cidadáns no procedemento de elaboración de normas, con carácter previo á elaboración da Ordenanza arriba referenciada procédese a sustanciar unha consulta pública, a través do Portal web do Concello de A Baña, na que se recabará a opinión dos cidadáns e das organizacións e asociación máis representativas potencialmente afectadas pola futura norma.

As e os cidadáns, organizacións e asociacións que o consideren oportuno poden facer chegar as súas opinións por escrito, as cales se poderán presentar telemáticamente no Rexistro deste Concello ou a través dos medios previstos na LPACAP no prazo de 10 días hábiles dende a publicación do presente anuncio na páxina web municipal.

a) Os problemas que se pretenden solucionar coa iniciativa.

Con esta iniciativa normativa, nunha materia sobre a que non existe outro instrumento regulador vixente no Concello da Baña, preténdese acometer a regulación do impulso do uso da lingua galega dende a perspectiva máis ampla e integradora posible, abarcando tódalas vertentes nas que se pon de manifesto este problema:

1. Normalización e dinamización do idioma galego no municipio.
2. Fomento do uso e do prestixio da lingua galega.

b) A necesidade e oportunidade da súa aprobación.

O Concello da Baña estima preciso aprobar unha ordenanza incardinada na potestade que a lexislación outorga ó Concello en materia de normalización lingüística, en orde á defensa dos dereitos lingüísticos da cidadanía.

En conexión co anterior, é determinante que as prescricións de dito instrumento normativo serán de obrigado cumprimento para toda actividade e calquera comportamento individual ou colectivo, de titularidade pública ou privada, que no seu funcionamento, uso ou actividade, xere calquera tipo de contexto que perxudique ao proceso de normalización e dinamización da lingua galega dentro do ámbito territorial deste Concello.

c) Os obxectivos da norma.

Os obxectivos desta iniciativa regulatoria, no exercicio das competencias do Concello da Baña e na aplicación e adaptación das lexislacións europea, autonómica e estatal vixentes, son regular o impulso do uso da lingua galega para facilitar o seu proceso de normalización e dinamización lingüística.

Para isto, o Concello da Baña, dentro das súas facultades:

1. Exercerá o control do cumprimento desta Ordenanza
2. Esixirá a adopción das medidas preventivas, correctoras ou reparadoras necesarias, sinalando as limitacións pertinentes.
3. Ordenará cantas inspeccións sexan precisas.
4. Aplicará as sancións correspondentes, no caso de incumprirse o ordenado.

d) As posibles solucións alternativas regulatorias e non regulatorias.



CONCELLO DA BAÑA

Praza do Concello, s/n
15863 A Baña (A Coruña)
Tels.: 981 886 501 / 981 886 516
Fax: 981 886 616
correo@concellodabana.gal
www.concellodabana.gal

Dado que se considera xustificada a conveniencia e oportunidade de redactar unha ordenanza como instrumento capaz de establecer un marco xurídico de referencia na materia, que incorpore as concretas especificidades que se dan no Concello. Estímase que non existe instrumento normativo máis apropiado para acadar o fin perseguido que a adopción desta Ordenanza.

DOCUMENTO ASINADO ELECTRONICAMENTE.